

مجموعه ابو الخیر

ماسوا شایسته شدن دلی تطهیر و پناش
بر تو حکمت و عرفان الهی دور آتش

علوم و معارف در بحث ایدر. و هر ماه عربی ابتدا سید اون بشده نشر اون نور مجوه عدد در.

عدد ۲۵ - جلد ۳ [فی غره محرم سنه ۱۳۰۰] [نسخه سی ۳ فروش

قبیلندن - غایت کفایتله اجرا ایدیلیر . ایشته بوضورتله برقابلدن اون بیک نسخده قدر طبع اولنه بیلیر .

صنعت طباعت اوروپاده اون بشیخی عصرک بدایع مخترعانسندن اولدیغی حالده چین ده درت بیک بش یوز سنه دن بری جاریدر .

هیچ بر اثر ایجادک بدایت احداثده مکمل اوله میسه جغی محتاج بحث وایضاح دکدر . حال بویله ایکن اوروپاده فن طبعک حین حدوثک حالی چینده ایوم موجود اولان اصول طباعته بیک کره مرجع ایدی .

چینیلیر ذکا و فطانتلریله برابر موجود پسندلک خصوصسندده دخی هیچ بر قومه بکزه مزل . بوقوم هیچ بر شیده تجدد و حکم زمانه تطبیق افعاله مائل دکدر . بوکا سبب ایسه عدم اختلاط اولدیغنده شهه یوقدر . زیرا مجبول اولدقلری کبر و نخوت حائز اولدقلری وسائطک کال و نقصانی ادرا که مانعدر .

ملاحظات حکیه

اخلاقک بر قاعده سی کافه قواعد اخلاقک برینه قائم اوله بیلیر؛ یعنی آخرک کوروب ایشدیکنی ایستدیکنک شیئی نه ایشله نه ده سویله !

اک زیاده شایان تحقیر اولانلر تحقیر اولتمقدن قورقما نلردر .

آز بیلوب چوق سونلک آز پاره سی اولوبده چوق صرف ایتک کبیدر .

کندی برنی تقدیر ایدوب اوطورر ایسه ک سنی اورادن هیچ کیسه قالدیره مز .

برشیک قیرلقدن ایتملی و اوزولمکدن قویعی دها خیرلیدر . *

لزوم و احتیاج ایجاد و اختراعک والده سیدر .

ضرورت و احتیاجک قانونی یوقدر .

هر حقیقی سونیک بعض احوالده جنایتیه سبب اولور . *

لزومندن زیاده اثباته چالیشان برشی اثبات ایده مز .

آج قرنک قولقلری یوقدر .

حافظه سی مکمل اولمیان آدم ابی یالانچی اوله مز .

هیچ برشییه قارشیمان دایما آسایش ایچنده یشار .

طوپراق اطبانک خطالری ستر ایدر .

معیشت منتظمه دن حاذق طیب اوله مز .

هر صغیری حقیری کورمه ملیدر؛ قارنجیه نیک کندیته کوره
برحدت و غضبی واردر .

حقیقی بردوست ایچون وظیفه دن بشقه هر شیئی فدا ایتلیدر .

سعادتی حقیقیه به آنجق عقلا مالکدر .

هر صفا ایچون جناب حقه شکر ایدلسه جفادن شکایتیه وقت بولنده من .

فلا کته غلبه سعادتی اداره ایتمکن قولایدر .

انسان وجوده کتیردیکی آثار خیرایله محظوظ اولدیغی قدر آخرک
افعال حسنه سنی تقدیر ایتلیدر .

کندی نفسنه امر ایتک اقتدارینی حائز اولمیانلر مدت عمرلرنده
خدمتکارلقدن قور تیلهمزلر .

اولومدن قورقق حیات ایچنده ممات دیتمکدر .

عاقلا نه اداره کلام ایتک کوچ ایهده عاقلانه سکوت ایتک اکثریا
آندن دهها دشواردر .

صرمه لی اثواب کیمش بر احق جلدی مذهب بر فنا کتابه بکزر .

بر وعده بر بور جدر .

استخدام اولنان آدملردن شبهه ایتهملی؛ شبهه اولنانلریده استخدام
ایتهملی در . * ایتهملی بقیه نفعیات سوره

مسعود اولقلغك ك حقیق چاره سی وظیفه یی سومك واكلیجه یی
وظیفه ده آرامقدر . *

ثروت انسانه فکر ویرمز ایسه ده هر کسك بزه فکر ویرمسنه
یاردم ایدر .

بدن ایچون صحت نه ایسه روح ایچونده فضیلت اودر .

علوم وفنوتك حدودی افقه بکزر . انسان آکا تقرب اشد بجه
او تباعد ایدر . *

سوز حقنده ملاحظات حکیمه

بن عمرمه سولیدیکم برسوزدن طولای نادم اولدم؛ فقط سولیدیکم
سوز ایچون پك چوق نداعتلره اوغرام . (اردشیر)

بن لساندن صادر اولیان سوزك ردینه صدور ایدن سوزدن
زیاده قادرم . (قبصر)

سولیدیکم سوزه مالک اولدم . لکن سولیدیکم سوز بکا مالک اولدی .
(حکیم چینی قونفوسیوس)

کلام دوا کبیر : لزومی مقدار استعمال اولنورسه نافع وزومندن
فضله استعمال اولنورسه هالکدر . (عرو بن العاص)

« اذ اتم عقل نقص کلام » (کلام امام علی)

مالی : عقل تمام اولدقه کلام ناقص اولور یعنی آرسوز کمال عقله دلیدر .